

懺

懺

佛門以大士為慈航普度。言其誓願宏深。如以舟航度人於彼岸也。我祖師道高無極。在在存仁。處處布惠。江河湖海。無所不經。畿甸要荒。無往不歷。其一片婆心。普度天下羣迷。不知凡幾。紫陽張真人。仰體師慈。特纂是懺。詳述純陽事蹟。備言顯化玄機。凡天宮璇極。蓬島雷霆。無不傾心敬禮。殆與祖師自集雪過修真仙懺相等。夫懺之一說。原為懺罪悔過耳。非天神喜爾巫拜。遂錫以福澤也。能懺悔自新。則復於無過。而完此本然之善。否則方悔旋犯。業染愈深。雖祖師仁育萬物。亦難度以慈航矣。

乾隆乙未孟夏月有九日錢塘萬善子邵志琳敬序

目錄

前有小序 孚知帝君原序 慈航無極寶懺 懺讚 無極上咒

請頌 又

降生闡化章第一 指明因果章第二 慈航普度章第三 普勸修
心章第四

無極顯化章第五 覺世度人章第六 開明大道章第七懺後讚 紫
陽張真人後跋

孚知帝君慈航無極寶懺原序

三代以前。有經無懺。所最著者。道德五千言而已。降及後世。渾 日忘。澆風日熾。即有經典。無以濟之。遂有懺之一說。懺也者。所以懺罪也。亦以補經之不及也。惜當世罔知懺罪。反緣為求福計。或謀利。或希名。私心滔滔。異端 ? 逢起。其不落於旁門左道也。蓋已鮮矣。故信釋崇玄輩。每多不振。雖日事禮拜。而破敗相隨屬。斯亦大可悲痛。豈懺之無補於人世歟。抑彼蒼上帝。竟不鑒臨乃心歟。蓋先天之道。心與道合。後天之道道與心通。若徒誦諸口。而不會諸心此直道之 賊耳。至于市井庸劣。謬稱法師。倡作渺茫邪說。輾轉傳授。非但自愚。且以愚人。遂使凡氓之心。而莫挽。仙聖之道。晦而不彰。名曰懺罪。適以獲罪。名曰補

經不及。實以毀經之成功。不亦謬哉。邇因紫陽仙子。纂慈航無極寶懺成。請序於予。予懼世之不察也。爰述數言。弁夫懺首。

康熙七年歲在戊申五月十日純陽羽士題於珍菴

凡禮是懺者。誠心齋沐。肅容恭敬。屏棄一切雜念。叩齒九聲。
貫想

呂祖聖像。行一跪三叩禮。朗誦淨心口身等咒。然後入懺。

無極寶懺

懺

大哉至道。玄妙宏深。法開珠露指迷津。頓覺六根清。花雨繽紛。
香靄達微誠。皈命興行妙道大天尊。

懺

乾坤浩蕩。日月虧盈。三台上極。元亨利貞。玉都師相。呂聖真君。大慈大愍。大孝大仁。善能普度。六道四生。遇緣即化。金光耀明。六丁護衛。神將飛臨。大災急難。永化為塵。蓬萊閬苑。一任嘯吟。仙宗玄教。至杳至冥。太虛太極。無幻無形。口口存道。存道道存。存乎至道。神鬼潛奔。邪魔遠遁。禍滅福生。謹能持奉。道業斯成。乾元亨吉。無極利貞。

(念畢三上香。)

弟子等。恭爇真香。謹以皈命

玉清內相警化孚佑帝君。興行妙道天尊 (三稱)

讚

仰 蓬萊得道流。仙容幾見岳陽樓。鐵師鳳詔山河重。玉帝龍符肺腑留。
嘯傲神明棲閬苑。逍遙經濟贊尼邱。盃傾北海天涯際。劍掛南山月角頭。
閒向方壺乘白鹿。興來函谷探青牛。丹飛五濁慈難剖。功積三山願未酬。
扇罷金丹蕭岸晚。閒吹鐵笛洞庭秋。冬藏白雪芒鞋裏。秋養黃芽羽袖幽。
鶴駕降鸞成面命。鸞書策世勵心修。風流自在丹臺相。羽化翩翩造物儔。

道德本深惟信入。仙凡雖隔一誠投。弟子哀誦殷勤。請速下雲。衢慰我求。

又 請唐朝得道士。純陽正派呂仙真。劍佩坎離三尺寶。丹養乾坤一點精。

法中有道道中法。身裏藏虛虛裏身。醉解死生天地友。怒超恩愛範圍人。是非非是非非是。今古古今古古今。弟子 請望來臨。大賜師恩加覆護。

儀

弟子等 。至心皈身皈命皈神。太上無極大道。三寶至尊。十方列聖道前。伏聞太乙含貞。中黃蘊秀。結成寶筏。導世迷津。誠知經能救劫。懺可度人。弟子等緣茲幸悟。敢以虔祈。滌諸塵垢。恭惟玉都師相。靈寶真人。純陽妙道天尊。玄都肇化。功德彌堅。同昊天之日。如滄海之源。慈光長覆於閻浮。惠澤頻施於苦爽。心真志篤。歷劫修成妙行。度凡願切。唐朝復振仙名。九光協化。靖魔魅而超淪救 。持衡三教肅奸偽。而講孝勸忠。方方闡教。猶黑暗以傳燈。處處遺恩。若汎流而佈筏。信悟者。超凡入聖。迷溺者破暗指明。救苦救難。延福延生。三界十方。有感皆孚。六道四生。無求不應。垂念 等輕飄苦塵勞。染七情而無由解 脫海。墮三途而安得超淪。以今幸蒙師度。如暗得明。日親妙道。求見性以明心。時加愍惕。願遠塵而避俗。稽首丹階。宣揚聖化。

志心敬禮（每拜冠此一句）

貞元降鶴。夢覺黃梁。純陽妙道天尊。棄家慈濟。歷試堅貞。純陽妙道天尊。

匡廬遯跡。鶴嶺從遊。純陽妙道天尊。火龍遁劍。靈寶傳經。純陽妙道天尊。

羽谷昇玄。紫雲授館。純陽妙道天尊。蕭宇玄臣。香林逸吏。純陽妙道天尊。

瑤池較籙。紫極持文。純陽妙道天尊。總攝六府。督理九關。純陽妙道天尊。

華蓋掌道。玉虛煉丹。純陽妙道天尊。八洞明玄。九光協化。純陽妙道天尊。

中天斗輔。北極梵司。純陽妙道天尊。玉清內相。金闕上仙。純陽妙道天尊。

五雷妙應。三教合衡。純陽妙道天尊。玄應祖師。純陽妙道天尊。

籙

爾時玉皇至尊。在兜率凌霄天宮。同瑤池聖姥。演說開天無極普濟妙法。三官五帝。九府四司。偕十洲三島。五嶽四瀆。三界真仙。咸集左右。聽聞妙法。時有東嶽帝君。出班奏曰。昔有天符下降。為因 生悖逆君親。染貪塵慾。奸盜邪淫。人我互執。特勅報折子孫。釁災地土。夭喪人命。痲痘流行。百千萬億。旱 穡稼。重者殲嗣。輕者疾瘟。冤魂盈司。饑饉載道。如斯罪報。 生仍不修省。業網愆尤。伏望慈尊。哀憐愚昧。救大苦惱。佈頒恩命。轉禍成祥。令使皈依正道。離諸障礙。人無橫夭。國泰年豐。庶滯魄賴以超昇。則疾疫仰而清泰。俾令天清地寧。物阜和平。玉帝聞曰。善哉善哉。塵寰 濁。惡貫乾坤。天地轉輪。報及障業。因迷正道。故作愆過。勅令仙曹得道通妙孚佑真人。下界大闡玄微。開悟盲聾。諭講無極大道。滌蕩世界塵氛。咸使改邪歸正。真人奉至尊無為妙旨。拯救生靈。是時帝復諭曰。爾屢修道德。名登仙籍。功行充備。諸天尊仰。但塵緣未盡。於未來世。唐貞元十四年四月十四日巳時。當誕河中府永樂縣。呂家為男。吾命苦竹火龍正陽三真人。度傳爾道。復證仙階。汝當於世。為吾闡化天人。咸歸正道。真人受命訖。化生呂宅。家世業儒。曾祖節度浙東。祖拜禮部侍郎。父任刺史海州。紹繼儒宗。真人於咸通舉進士第。因長安酒肆。遇正陽仙師。一枕黃梁夢覺。棄職修真。名列蓬萊。侍御金闕。復承上帝命。勅濟世迷。演經化度。證明性命之階。勵勸忠孝之本。齋戒懺禮。萬神咸欽。消災解厄。增福延齡。在壇 生。皈依信禮。

志心敬禮（每拜冠此一句）

神貫日烏。精凝月兔。純陽妙道天尊。冰壺煉氣。星劍騰輝。純陽妙道天尊。

功修紫籙。法顯蓉城。純陽妙道天尊。不私大道。不誤後人。純陽妙道天尊。

舟引國舅。路指仙姑。純陽妙道天尊。麻衣心易。仙統秘傳。純陽妙道天尊。

騎鯨闡法。駕鶴談玄。純陽妙道天尊。氣壯神清。真空慧命。純陽妙道天尊。

三山顯化。三會扶教。純陽妙道天尊。重陽傳訣。樵陽 化。純陽妙道天尊。

誓願度人。興行持劫。純陽妙道天尊。慈航大濟。仙桂分衡。純陽妙道天尊。

三界恩師。四生慈父。純陽妙道天尊。真廣孚佑。純陽妙道天尊。

指明因果章第二

吾立度人笈。先立度人心。吾奉度人敕。先開人度門。欲持因內果先植果中因。因果圓成日。人人皆自明。我卻無些指。指明苦海津。方知是寶筏。共度無量生。我志願人善。世人咸諦聽。不聽非我過。災自逮夫身。既知生死苦。如何不我遵。既有求師意。如何道不行。渺渺乾坤內。昏昏塵世人。逐戀苦海趣。那知身不真。百年光景速。何為世上根。除非超三界。換五行身。日有斯身在。終期何處尋。日無斯身在。終期受苦刑。日出斯身苦。終期苦更深。日入斯身樂。方是真本根。世人能解悟。皈命禮元尊。

志心朝禮（每拜冠此一句）

玉清聖境。清微天宮。金闕上帝。元始天尊。上清真境。禹餘天宮。玉晨上帝。靈寶天尊。太清仙境。大赤天宮。混元上帝。道德天尊。昊天至尊。穹蒼聖主。玉皇大帝。九光寶苑。五炁玄都。中極上宮。天皇大帝。萬星教主。無極元皇。中天紫微。北極大帝。九華玉闕。七寶皇房。承天效法。地祇大帝。南極太微。長生大帝。統天元聖天尊。尋聲赴感。普濟生。太乙救苦天尊。洞陽至聖。日宮朱明。真光普照天尊。廣寒至聖。月宮黃華。慧光朗照天尊。東方九炁。天中青靈。始老洞空天尊。南方三炁。天中丹靈。真老洞清天尊。西方七炁。天中皓靈。黃老洞虛天尊。北方五炁。天中五靈。玄老洞微天尊。中央一炁。天中玄靈。元老洞真天尊。上方玉虛明皇天尊。東方玉寶皇上天尊。南方玄真萬福天尊。西方太妙至極天尊。北方玄上玉宸天尊。東北方度仙上聖天尊。東南方好生度命天尊。西南方太靈虛皇天尊。西北方無量太華天尊。下方真皇洞神天尊。上元九炁。賜福天官。曜靈元陽大帝。中元七炁。赦罪地官。洞靈清虛大帝。下元五炁。解厄水官。金靈洞陰大帝。九天開化。文昌元皇道君。更生永命天尊。大成至聖先師。無量洞空天帝。文儒廣化天尊。佑聖真武。治世福神。北極法王。玄天上帝。東嶽天齊大生仁聖帝。南嶽司天惠生昭聖帝。西嶽金天化生順雪帝。北嶽安天祐生元聖帝。中嶽中天注生崇聖帝。雷霆都省。泰玄上相。靜應顯佑。正一天師張真君。雷霆玄省。天機內相。冲應孚佑。太極仙翁葛真君。雷霆泰省。天樞上相。混元始祖。九天司職注生許真君。雷霆三省。紫微右相。混元天師。九天保冊司命路真君。九天延嗣。靈應祖師。白鶴得道張真君。九天通炁。春秋隱士。金鼎妙化。申真君。九天司命。金闕上保。南嶽總真。紫虛魏元君。九天司命。三茅應化真君。都天宗主。一元無上。西河救苦薩真君。天醫上相。神功慈濟衛生吳真君。天醫上相。神功廣濟。好生陶真君。

慈航普渡章第三

一誠端悟。再爇名香。清煙靄靄。道炁蒼蒼。吾今說法。救度無量。惟願塵世。感戴上蒼。心前佛國。眼底西方。天神喜悅。地府贊揚。凡吾弟子。妙法難量。休迷真性。莫戀塵荒。榮華富貴。喜樂哀傷。皆埋青草。總屬黃梁。不拘男女。無論侯王。致心皈命。欲度無量。或有顛連縈獨。鰥老孤孀。疲癯顛癩。瘖啞癱傷。受諸惡疾。生老病亡。羸孱弱。毒癩瘋狂。如此之輩。吾實悲傷。若能改過。行止嘉祥。勤修匪懈。亦度無量。或有讒言殄行。妒害忠良。唆人詞訟。縱逞豪強。佔人妻女。地田房。倚官挾勢。凌善欺。間離兄弟。毀罵爹娘。瞋風啐雨。褻瀆三光。如此之輩。受罪於陽。死歸冥府。罹受災殃。若能悔悟。改行修禳。心不退轉。亦度無量。或有兇頑狡詐。悖亂綱常。毀仙謗佛。不信陰陽。蛇心佛口。舌劍唇鎗。如此之輩。半路朱陽。皆因失性。吾亦堪傷。但能悔悟。日就月將。非非今是。亦度無量。或有忠臣良將。孝子貞娘。義夫德士。友愛賢良。吏儒官長。道紀僧綱。但能敬信。樂善貞常。不迷本性。度極無量。或有邊夷外域。罪犯流亡。抱冤負屈。無妄遭殃。不論老少。婢僕偏房。堅心守奉。度亦無量。三天門下。五綵樓傍。俯觀下界。如蟻如蝗。無休無息。朝夕奔忙。勞勞碌碌。使肚牽腸。兒孫未長。妻媵盈房。金珠滿庫。米麥陳倉。公侯第宅。將相冠裳。豪強智巧。難免無常。諸般不了。萬事俱荒。金銀何用。妻子空傷。三魂化體。七魄離床。冤家業債。緊緊隨行。或赴阿鼻。或入油湯。受諸苦惱。方轉塵荒。輪迴果報。實可哀傷。不如學道。敬禮元皇。修養性命。敦重倫常。心心是道。事事禎祥。紫微注照。龍德流昌。千言苦勸。萬劫非常。吾來一度。共抵仙。世人休惑。皈命純陽。放生戒殺。心口慈航。昆蟲草木。恤不可傷。行吾道化。世德流芳。奉真朝斗。壽祿延康。

志心朝禮（每拜冠此一句）

斗父龍漢祖劫周御國王天尊。斗母聖德巨光天后摩利支天大聖圓明道姥天尊。玉斗左宮。高上玉皇。尊星太靈八景元君。玉斗右宮。北極玄卿。帝星太素七宸元君。北斗天樞。陽明貪狼太星君。北斗天璇陰精。巨門元星君。北斗天機真人。祿存貞星君。北斗天權玄冥。文曲紐星君。北斗天衡丹元。廉貞罡星君。北斗闔揚。北極武曲紀星君。北斗瑤光天關。破軍關星君。北斗洞明外曜。左輔星君。北斗隱光內垣。右弼星君。南斗天府司命星君。南斗天相司祿星君。南斗天梁延壽星君。南斗天同益算星君。南斗天樞度厄星君。南斗天機上生星君。東斗蒼靈延生星君。東斗陵光護命星君。東斗開天大衡集福星君。東斗大明和陽保和星君。東斗尾極總鑒星君。西斗白標星君。西斗高元星君。西斗皇靈星君。西斗巨威星君。中斗赫靈度世星君。中斗斡化上聖星君。中斗沖和至德星君。天罡大聖紫庭節度星君。上台虛精開德星君。中台六淳司空星君。下台曲生司祿星君。當生本命元辰星君。上清福星天德星君。上清祿星天祐

星君。上清壽星長生星君。五方五德五福十辰星君。上清十一大曜星君。雲天二十八宿星君。十二宮辰分野星君。六十甲子至德星君。週天躔度河漢列曜星君。

普勸修心章第四

大哉玄真。水火相勻。虛無妙道。配合天心。厥一以真。勿二以傾。由誠而入。由默而成。相非有靈。靈於寸誠。吾以誠格。非以財臨。守道諸子。先修汝心。勿肆高傲。勿著頑空。戒暴戒怒。積德積仁。勸孝於親。勸忠於君。勸信於友。勸恤於貧。勸慈於物。勸和於鄰。莫誇已勝。莫滅他人。富亦無根。何須自矜。貧豈常貧。何須怨曠。貧不求諂。富不驕凌。善善惡惡。報應昭明。汝若修善。子孫旺興。汝若作惡。後代凋零。恤孤憐老。戒殺放生。日積月累。必獲修功。三元保舉。萬聖助成。他年行滿。拔宅飛昇。

志心敬禮（每拜冠此一句）

口口相傳。回心勸度。純陽妙道天尊。無上宮主。昌老虛中。純陽妙道天尊。

元圭避惡。後養畱名。純陽妙道天尊。補溪樵客。弱島漁翁。純陽妙道天尊。

賓師顯法。同客度凡。純陽妙道天尊。青城鶴會。白雲挂搭。純陽妙道天尊。

寶籙格非。景靈攝崇。純陽妙道天尊。神光繪像。寶輪現相。純陽妙道天尊。

華陰市藥。成都施丹。純陽妙道天尊。武昌貨墨。黃鶴賣桃。純陽妙道天尊。

岳陽畱珮。邯鄲授枕。純陽妙道天尊。大雲會食。治圃解經。純陽妙道天尊。

南津黃襖。海上紅雲。圓通感應。純陽妙道天尊。

■

九天 化。普度兆民。談經演教。緣證三生。功修紫極。法闡龍城。金蓮正印。玄奧立明。三景之蘊。玉晨之精。淨身淨口。淨念淨心。晨昏持誦。感應天丁。修身養性。積功力行。日新吾道。度之上昇。普垂教法。利濟群生。

志心敬禮（每拜冠此一句）

斬蛟除害。度柳成玄。純陽妙道天尊。畫灰過化。竅紙存神。純陽妙道天尊。

南康度孝。廣陵救貧。純陽妙道天尊。天慶靈通。金鵝授記。純陽妙道天尊。

長沙警釋。景德度僧。純陽妙道天尊。尼寺留題。玉樓喚醒。純陽妙道天尊。

絳紗裹藥。管片浮波。純陽妙道天尊。重光古鏡。一轉金刀。純陽妙道天尊。

遺墨成金。投梳躍浪。純陽妙道天尊。廬山淬劍。羅浮畫山。純陽妙道天尊。

鶴飛庾嶺。鱸活江濱。純陽妙道天尊。茗餘錫福。席奏仙音。純陽妙道天尊。

墨市暫娛。等閒聊戲。不容擬議。純陽妙道天尊。

鑑

吾作如是經。傳畱諭世人。若有能參悟。道氣透天門。有等愚癡者。縱樂與貪淫。不修根共蒂。迷失本來形。三尸為主宰。六賊任施行。非是人之性。皆由鬼魅侵。橫傷并劫殺。此為前世因。披枷帶鎖者。今生作惡根。囹圄本無路。愚頑苦自尋。一時迷本性。永劫歎沉淪。天孽猶可違。自孽不可生。勸人須解悟。還宜理上明。能遵三尺法。自不致傷生。傷生人最苦。吾欲度斯人。惟恐人不悟。故作如是經。有等聰明者。聰明反悟人。子建與解縉。七步善能文。才思稱倚馬。災害復牽縈。不如五斗客。還慕百篇人。狂放居林下。自不致傷生。傷生人最苦。吾欲度斯人。惟恐人不悟。故作如是經。有等英雄者。英雄萬古稱。拔山如折草。無謀反喪身。爭如西蜀將。完體大將軍。五虎難相比。自不致傷生。傷生人最苦。吾欲度斯人。惟恐人不悟。故作如是經。有等無知者。空勞使計深。荊軻并聶政。挾匕去圖名。甚不知天命。亡身又害君。當效鴟夷子。須欣進履人。知機能造命。自不致傷生。傷生人最苦。吾欲度斯人。惟恐人不悟。故作如是經。有等愚忠者。魯史筆仇荀。諍君并罵賊。旋踵即忘身。雖忠而盡命。爭如漢孔明。二進出師表。南蠻七縱擒。忠肝扶後主。自不致傷生。傷生人最苦。吾欲度斯人。惟恐人不悟。故作如是經。有等兇邪者。國及欺君。曹瞞陰主。奸宄若王敦。忠良天必佑。讒佞自消魂。陽明新建伯。幸遇許真君。同心皈正道。自不致傷生。傷生人最苦。吾欲度斯人。惟恐人不悟。故作如是經。有等榮華者。天下號財星。鄧通曾餓死。休誇石季倫。雖稱敵國富。時垂服上刑。爭似龐居士。將財棄海濱。斯人能解

悟。自不致傷生。傷生人最苦。吾欲度斯人。惟恐人不悟。故作如是經。有等貪淫者。嬌娥擁肉屏。夏商生桀紂。無道嬖傾城。爭如賢漢武。悟道學修真。方朔傳仙訣。自不致傷生。傷生人最苦。吾欲度斯人。惟恐人不悟。故作如是經。有等求生者。專言草木精。修身難出世。遠害少先明。華陀終早喪。扁鵲未長生。堪思高臥客。希夷萬古稱。一枕千秋歲。買地避明君。壽與華山並。自不致傷生。傷生人最苦。吾欲度斯人。惟恐人不悟。故作如是經。有等徒憂者。焦思暗損神。賈誼空賦鵬。屈子枉銷魂。感君君不悟。諫主主何聽。爭如微子去。尚論頌商仁。仁者天必壽。自不致傷生。傷生人最苦。吾欲度斯人。惟恐人不悟。故作如是經。有等生者。惟知愛此身。不修名共節。奚顧影和衾。李陵忘漢義。衛律受夷恩。怎比賢蘇武。丹心向日傾。殄穉共嚙雪。自不致傷生。傷生人最苦。吾欲度斯人。惟恐人不悟。故作如是經。有等貪饕者。畢卓與劉伶。二癡為酒癖。損行及損身。古今推大禹。旨酒夷人。如此賢聖主。自不致傷生。傷生人最苦。吾欲度斯人。惟恐人不悟。故作如是經。有等逞怒者。些些氣即生。堪笑周公瑾。機深禍亦深。爭似婁師德。由人自唾津。凡人能戒性。自不致傷生。傷生人最苦。吾欲度斯人。惟恐人不悟。故作如是經。有等貪榮者。三槐共九卿。漢室嗟蕭相。唐時恨駱賓。官高終有險。無智必遭刑。急流能勇退。敬仰二疏君。明哲將身保。自不致傷生。傷生人最苦。吾欲度斯人。惟恐人不悟。故作如是經。有等癡愚者。阮肇與劉晨。採藥山中去。仙姬結契姻。誰知方一月。世上幾千春。始悟為仙子。翻然起道心。重來無所遇。花月兩無情。作仙猶不悟。何況下凡人。皆由一念錯。二子不飛昇。偶然得道果。吾亦度斯人。斯人非不悟。悟內少靈心。心靈參至道。咫尺入玄門。善任心田起。緣皆夙世根。夙根吾願度。度盡有緣人。人能矢貞敏。吾即引慈津。遊行超宇宙。掌握回死生。有緣成大道。皈命禮仙真。

志心朝禮（每拜冠此一句）

東華木公。青童道君。羣仙妙範天尊。西池金姥。至陰元君。羣仙統御天尊。西池金姥。至陰元君。羣仙統御天尊。開玄闡道。無上真人。文始尹真君。全真宗主。蓬萊上宮。青霞紫極。龍陽帝君。李道君。羅天開化。蓬萊上宮。混元立極帝君。果老張道君。東華洞天。蓬萊上宮。正陽開悟。傳道垂極帝君。鍾離道君。開山 教。玄應祖師。純陽演正。警化孚佑帝君。呂道君。蓬萊上宮。御前侍節。恒陽至道帝君。韓真人。蓬萊上宮。天雷右相。浩寂雲都帝君、曹真人。蓬萊上宮。玉虛左相。紫羅湛寂帝君。玄陽藍真人。王清法 。南宗始祖。海蟾明悟。宏道純佑帝君。劉真人。王清法 。北宗始祖。重陽全真。開化輔極帝君。王真人。南宗法派。玉殿傳臚。感應祖師。紫陽張真人。南宗法派。杏林翠玄石真人。南宗法派。道光紫賢薛真人。南宗法派。混丸翠虛陳真人。南宗法派。雷霆都府。神

霄散史。紫清養素白真人。南宗法派。鶴林季益彭真人。南宗法派。白龍洞永年劉真人。北宗法派。丹陽抱一。無為普化馬真人。北宗法派。龍門宗主。長春全真。神化明應邱真人。北宗法派。長生輔化。宗元明德劉真人。北宗法派。長真凝神。玄靜蘊德譚真人。北宗法派。太古廣寧。通玄妙濟郝真人。北宗法派。玉陽體玄。廣慈普度王真人。北宗法派。清靜淵真。玄虛順化孫元君。北宗法派。太虛雙玉李真人。北宗法派。紫瓊君範張真人。北宗法派。緣督宗子趙真人。北宗法派。上陽觀悟陳真人。苦竹火龍二大真君。玉樞右宰。宏教真君。十方感應。衛道柳真人。感應揮氛張真人。玉清法。無上聖師。虛靈神妙。顯化王真人。蓬萊上宮。白雲真人。蓬萊上宮。白雪真人。蓬萊上宮。白霞真人。濟生闡化。丹霞真人。慈悲救苦。度厄真人。玉清法。總司五雷。佐化宣道。萬法葛天君。玉清法。九天紫府。司丹真宰。雲崖石仙師。紫府瑤宮。洞天福地。十洲三島。得道真仙。南宗北派。歷代傳經示懺。諸大仙師。

籙

世上善根。廣種厚成。人興善念。吾日隨身。如此向道。天心鑒存。君免輪迴。臣消火坑。禽獸開道。化度超生。生開道。心廣體輕。能悟大道。水火交親。復養太極。勿令迷沉。大道坦坦。非杳非冥。欲知大道。先復元精。元精未返。大道難成。如女五歲。如男三春。太極未散。八卦尚存。守而勿失。方稱上真。若有少差。名曰散真。如更淪溺。萬籙皆空。重為走獸。轉作飛禽。還落餓鬼。抑變蟻蚊。或生人類。災禍相侵。方信大道。快樂何深。養元復本。羽化而昇。苟持精氣。尸解可成。吾作是語。願人共聞。朗誦萬卷。霧氣隨身。雲霄有路。直往直行。心成無相。到底空明。躍然出入。超脫塵根。化生生化。生化化生。無彼無我。無渭無涇。立成三昧。坐上一乘。興行大道。靜正六根。六根全在。天地同庚。純陽固體。妙道興行。既興妙道。知我度人。人能知度。敬禮天神。滌除身垢。共獲福因。

志心敬禮（每拜冠此一句）

靈寶萬司。如意大將溫天君。先天混沌首將。鐵面雷公。罰靈官王天君。九天雷霆運令。歛火大仙。炎帝都督鄧天君。九天雷霆掌令。銀牙猛吏。青帝尚書辛天君。元始一炁。都督雷府。飛捷報應。三天糾察使者。張天君。三炁丹天。火鈴主帥張天君。上清天醫院主帥。雷霆陶天君。上清天醫院副帥。感應許天君。上清天醫院。趙高田崔孫劉六天君。上清雷門左伐魔使。神烈陽雷天君。上清雷門右伐魔使。神化陰雷畢天君。八卦洞神院主帥。左璇日魂大將天君。八卦洞神院副帥。右璣月魄大將劉天君。九天大力醫王。天罡馬天君。北極節度使。河魁董天君。太乙

元皇。月孛朱天君。洞玄上將。鐵面劉天君。樞台總攝。符使程天君。機台總攝。符使雍天君。正一都天罡主。斗口魁神。解厄靈官馬天君。正一龍虎玄壇。金輪如意。執法總管趙天君。通明殿左。鐵甲飛雄上將。都巡太保溫天君。通明殿右。皇門無佞典者。忠烈太保康天君。鄂都朗靈上將。三界伏魔大帝。義勇關帝君。神霄總真大神劉天君。北帝地司猛吏。破兇雷王。至德太歲殷天君。斗中飛捷符使方天君。斗中解冤使者顓天君。九天滅邪巫使。鐵^口上將。火犀雷府朱天君。九州社令主帥康天君。九州社令使者呂天君。南火四暘院。猛烈鐵天君。火府 符先峰。火德謝天君。水府都押發使張天君。神霄右監門。雷霆都總管。精忠報國。純孝岳天君。九天梅檀神王。掌二十四關隘。催生送子高天君。神虎追攝使。何喬二天君。雷霆一府二院三司。助道贊化。主副官將。法部威神。江河湖海。川源潭瀆。水府龍神將吏。監醮守壇天將。功曹符使。城隍里社。一切神祇。本宅東廚司命六神。

回

禮拜已竟。持^奉周完。世人誠瞻道祖。祐以禎祥。弟子虔叩文仙。賜之福壽。修身養性。當觀二卷黃庭。辟穀延齡。須服千年白石。數聲長嘯。可散髮以披襟。一首清吟。實怡情而得趣。能參大道。終不赴於九泉。敬禮純陽。有日遊乎三島。志篤心堅。必龍降而虎伏。道高德重。使鬼怯以神欽。三尸 滅。方能近我玄宗。六甲呵扶。始大顯其仙教。萬里長空。誰信乾坤易老。一心不動。終如日月長明。春花爛熳。止九十日之流光。秋月團圓。過二三宵而復缺。使強逞勢。渾如艷李穠桃。慕道參玄即是蒼松翠柏。欺霜傲雪。羨梅菊之清標。耐歲凌寒。喜松筠之雅操。深閨幼女。休誇粉面之嬌。少小孩童。終有白頭之歎。光陰迅速。如江上之帆風。烏兔飛遷。若田間之 水。天仙有意。指塵世之迷途。閻老無情。執幽冥之正法。人人須悟。斬除業障之根。物物堪傷。超出輪迴之苦。真修妙道。宜 利鎖名韉。勘破玄機。莫墮愛河慾海。五斗無緣。歸去栽培五柳。三峰有分。飛來竊取三桃。稍轉凡心。挾泰山而超海。常堅道念。涉弱水以昇天。一魔難伏。似登雲雨陽臺。六賊不迷。焉入杳冥陰府。茫茫大道。心通閻苑蓬萊。落落紅塵。性徹天宮帝闕。下民感悟。佩道德以騰霄。上帝矜憐。敕仙真而救世。諭善回奸。四海皆同赤子。傳經示法。九天自化堯民。夕咒朝經。使千魔而遠遁。晨鐘暮磬。祛萬惡以潛消。無極今完。乃人心之所 外^開再續。則聖語而未終。道本無物。惟集於虛。 內
廓。不與物俱。擾擾在前。至道湛如。昭曠獨觀。與道盈虛。消息往來。如淵之魚。由水不知。道若是與。能知道者。精不自枯。血如流川。炁如輪珠。身如枯木。意如飛鳧。不知所止。不知所居。自然而已。心性恬如。知所以否。不知知乎。為而不為。澹然清都。清都之宮。日月融融。神解意

釋。情定精一。一之為道。一而不執。不執不僻。不膠不結。惟緩乃止。泰定虛室。此為道本。想合正理。不想之想。想亦不想。不想之明。想而定形。長生久視。道之一明。何為長生。何為喪傾。道本長生。心了性明。了了既了。明明既明。了了非了。明明非明。非了是了。非明是明。明明了了。識我本形。形中有神。神中有伸。伸而不屈。超達飛昇。何為風馬。何為雲屏。不出於中。於中是真。真本冥妄。妄則非真。以真冥妄。真妄同局。不執不著。不與不并。視乎無形。聽乎無聲。孰為符篆。孰為真經。心定神慧。是為淨明。淨明三界。外有玉京。玉京神都。遊宴三清。此名丹元。正印無形。悟此道者。可以超真。

讚

純陽 化。妙道傳經。玉松印合大緣因。無極度人心。頂禮師真。超劫上瑤京。皈命

興行妙道大天尊。（三拜）

無極寶懺終